

## Opening Seremoni bilong namba 27 Sinot

Written by Warime Gutu

Sunday, 11 April 2010 00:00 -

---



By Jackson Merpe (UPNG) & Savina Justin (Unitech)

Opening seremoni bilong namba 27<sup>th</sup> Synod bilong Evenjelikal Luteran Sios bilong Papua New Guinea (ELC-PNG), i bin kamap insait long Sir Ignatius Kilage Stdium long Sande namba 10 dei bilong mun Januari 2010. Dispela em i wanpela bikpela bung bilong ELC-PNG we i save kamap bihain long olgeta 2-pela yia na insait long dispela bung (sinot) em olgeta 17-pela distrik bilong ELC-PNG i save kam bung long toktok long hevi, wok na ron bilong sios. Wanwan distrik i kam wantaim 30-pela deleget na 20-pela obsevas. Long 8kilok long moning olgeta deleget, obsevas na manmeri i bung long Se Ignatius Kilage stedium. Olgeta deleget wantaim ol opisol i sanap sambai long Pistol klab wetim ol singsing grup long lidim ol igo insait long stedium na bihain— long dispela 4-pela singsing grup i lidim ol manmeri igo insait long opening bilong Sinot. Bihain long ol manmeri igo insait na kisim sit, long 10:30 am long moning Praitim Minista Se Michael Somare wantaim ol Opisols bilong em i kamap long stedium. Ino bin igat kilaut na ren na program i ron gut igo inap pinis stret long 3-kilok long apinun. Namba bilong ol manmeri kamap long dispela i sanap olsem 5,000 na moa. Maski san em i hot tasol ol manmeri ino lusim ples igo inap program i pinis stret.

Na tu dispela dei em i kamap wantaim ol kainkain singsing grup, ol tambarin, girls brigade na ol trampet grup ministry kam yet long Raipinka long Kainantu.